

Visoki predstavnik prihvatio ostavku Izvršnog direktora CRA

Visoki predstavnik, Wolfgang Petritsch, prihvatio je u ponedjeljak ostavku izvršnog direktora Regulatorne agencije za komunikacije (CRA), Jerkera Torngrena, koja stupa na snagu sa istekom tekuće godine.

Gospodin Torngren je u ostavci naglasio da su zadaci koje je trebao provesti, kao dio opsežnih napora na restrukturiranju telekomunikacijskog sektora BiH, sada u značajnoj mjeri ispunjeni i da se nova faza restrukturiranja može efektivno nastaviti pod rukovodstvom drugog direktora.

Visoki predstavnik je zatražio od zamjenika direktora Davida Bettsa da od 1. januara 2002. godine do daljnjeg preuzme dužnost vršioca dužnosti direktora. Naredne godine će se provesti postupak izbora i imenovanja stalnog nasljednika gospodina Torngrena.

Visoki predstavnik izražava zahvalanost gospodinu Torngrenu za ukupan naporan rad na vođenju CRA u ključnom periodu i izražava pohvalu za njegova postignuća u sektoru telekoma i emitiranja u BiH u toku posljednjih devet mjeseci.

Dvije prethodne organizacije, Nezavisna komisija za medije i Regulatorna agencija za telekomunikacije, uspješno su kombinirane u jedinstvenu organizaciju od 2. marta, kada je njihove mandate preuzela CRA.

Pod rukovodstvom gospodina Torngrena kraju se privodi druga faza postupka izdavanja dozvola za emitiranje, što će optimizirati komercijalnu upotrebu frekvencijskog spektra u BiH, koji predstavlja neprocjenjiv državni resurs. Nazivi TV i radio stanica koje su podnijele zahtjev i koje su se kvalificirale za dugoročnu dozvolu za emitiranje najavljena su u devet od 13 regiona emitiranja, a rezultati preostala četiri regiona bit će objavljeni do kraja ovoga mjeseca.

Pored toga, poduzeti su i daljnji koraci na uvođenju konkurencije na tržištu mobilne telefonije u BiH tako što su odobrene dozvole za dva mobilna operatera, što je rezultiralo time da su dva operatora već počela da se natječu na tržištu.

Isto tako, gospodin Torngren je obavio sve propremne radnje za buduće reguliranje sektora komunikacija.